



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 8. Leo Marsus Episcopus Ostiensis.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.
A.C. IIII.

§. VIII.

Leo Marsus Episcopus Ostiensis.

*Ughell. to. I.
p. 76. n. 34.*

Leo Episcopus Ostiensis, cujus opera Pontifex in hoc negotio usus est, apud Marsos in Campania natus, puerulus disciplinæ Cassinensium traditus, & Institutum monasticum amplexus, cum doctrinæ & virtutum splendore emicaret, ad officium Bibliothecarii & Decani in illo monasterio evectus est. Cum eum Oderisius Abbas vitam Desiderii Abbatis, Antecessoris sui, qui deinde sub nomine Victoris III. in Cathedra S. Petri sedit, scribere jussisset, & elapso exinde haud longo tempore quæsivisset, an mandatum suum curasset, Leo candide fassus est, se ne quidem primam manum operi admovisse, quod aliis negotiis distraheretur. Ergo promisit Oderisius, se ei otium ab aliis rebus concessurum, præcepitque, ut totam historiam Monasterii Montis Cassinensis, a tempore S. Benedicti originem repetens, scriberet, & non solum ea omnia quæ acta fuissent referret, sed etiam census & prædia indicaret, quæ monasterium ex Munificentia Imperatorum Principumve, vel quocunque alio modo, acquisivisset. Exsecutus est Leo, quod sibi imperatum erat, usus subsidio Commentariorum, rudi veterum monachorum manu exaratorum,

Histo-

Historia Longobardorum, Imperatorum, Sæcul. XII.
 Pontificum, & vetustis Monasterii Char- A. C. IIII.
 tatis, Titulisque; quibus sedulo conquisi-
 tis Chronicum Cassinense superstruxit,
 divisitque in tres Libros. In primo Li-
 bro exordium a S. Benedicto ducitur, in
 secundo res gestæ ab ætate Aligerni Ab-
 batis anno circiter nongentesimo quin-
 quagesimo memorantur, in tertio solius
 Desiderii Abbatis historia contextitur. Ce-
 terum Leonem Marsum e monasterio *Sup. lib.*
 Cassinensi evocatum Paschalis II. Papa *LVII. §. II.*
 Cardinalem Episcopum Ostiensem crea-
 vit, usque ad annum certe millesimum
 centesimum decimum quintum, super-
 stitem. Eidem in Episcopatu Ostiensi
 successit Lambertus Fagnanus, postea
 assumpto nomine Honorii II. Pontifex
 Maximus.

Chronicum montis Cassini, Leone
 defuncto, Petrus Diaconus & Bibliothe-
 carius ejusdem monasterii, Romæ nobi-
 lissima stirpe natus, & quinquennis puer *Prolog. lib. 4.*
 Monachis illius Domus, anno circiter *cum notis.*
 millesimo centesimo decimo quinto, tra-
 ditus continuavit. Cui etiam Librum
 quartum addidit, acta a tempore Ode-
 risi Abbatis seu ab anno millesimo octo-
 gesimo septimo, usque ad Rainaldum II.
 & mortem Anacleti Antipapæ, seu an-
 num millesimum centesimum trigesi-
 mum octavum, complectentem. At

P 2 hicce

Sæcul. XII. hicce liber non ea fide, ac priores, scri-
 A.C. IIII. ptus est.

§. IX.

*Nicolai Grammatici obitus. Joannes
 Patriarcha Constantinopolitanus.*

Constantinopoli Nicolaus Grammaticus obiit hoc anno millesimo centesimo undecimo, postquam hanc Sedem tenuisset annis viginti septem, & ad ultimam senectutem pervenisset. Duas ab hoc Patriarcha Constitutiones habemus, utramque anno millesimo nonagesimo secundo, Indictione decima quinta, datam. In prima, decima quarta Junii, in Synodo Metropolitans tredecim, & compluribus Imperatoris Præfectis præsentibus edita, decisa est quæstio, ante mensum unum in ampliore Conventu proposita, videlicet, an patruus vel avunculus neptem, aut nepos materteram vel amatam, sola affinitate sibi junctam, ducere possit; atque hujusmodi matrimonia valida esse Græci pronunciarunt. (*) Secunda Constitutio, die Mercurii, vigesima

*Sup. lib.
 LXIII. §.
 25.*

*Zonar.
 XVIII. §.
 13.*

*Just. Græco
 Rom, lib. 3.
 p. 215.*

(*) Id ita accipiendum videtur, quod licent patruo neptem ex uxoris suæ fratre vel sorore genitam, aut nepoti filiam ex materteræ vel amatæ suæ fratre vel sorore natam ducere. At hodie exemplum Dispensationis Pontificiæ habemus,